



ATASSUT

UPA15/16-1

Siverth K. Heilmann

26.03.2015.

Illoqarfinni nunaqarfinnilu amerlasuuni aqquserngit aserfallassimaqisut qanoq pitsanngorsarneqarsinnaanerit pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Anders Olsen, Siumut)

Inatsisartuni ilaasortaq Anders Olsen, Siumut, apeqquteqaat aallaavigalugu oqallisissiaqarnermigut ATASSUT-miit isumaqatigaarput oqarmat, Kommuunit sineriatsinni illoqarfinni nunaqarfinnilu aqqusinigissaanerit aqqusinniornerillu isumagisaraat aningaasartuutigalugillu.

ATASSUT-miit ajoraluartumik siunnersuuteqartutuulli maluginianngitsoorneq ajorparput, illoqarfinni nunaqarfinnilu aqquserngit annertuumik aserfallassimaqisut aserfallakkaluttuinnarnerilu Kommuunitit tulleriaarinerminni tunulliussisarnermikkut, atuisut tassalu biiliutillit iluarsartuussinernut annertuumik aningaasartuuteqarnerulernerannik kinguneqartarmat, tamannalu soorunami ATASSUT-mii assut ajuusaarnartutut isigaarput.

Inatsisartuni oqallittarnerni, ATASSUT-miit biilit akitsuusersorneqartarneri qaffaaniartoqartillugu mianersoqqussutigisarparput, biilnut (afgift) akiliuteqartarnek Kommuunenut Namminersorlutik Oqartussaniik tapiissutit aqqutigalugugit aqqusinernut aserfallatsaaliinissanut atorineqartussanik. Qujanartumik kommuuneqarpoq aamma illoqarfigisaminni nunaqarfinnilu ajunnginnerpaamik ilaatigullu killeqarsinnaasumik atugassaqartitsisunik.

Kommuunit innuttaasullu akisussaaffinnik annertunerusumik tigusinissaat aningaasartai ilanngullugit oqariartorfigineqartarpugut. Aningaasartuutikillisaanissaq innuttaasunillu kiffartuussinissaq pitsaanerulersinneqarnissaa siunertarineqarluni, Kommuunit kattussuutsinneqarput. Kinguneri innuttaasuniik qinikkaniillu tamatigut torrallaasimangitsugut maluginngitsoorneqarsinnaanngilaq. Suliffissat aningaasarsiorfissallu ataavartunik



ATASSUT INATSISARTUNI

pilersitsinissamut periarfissaqarluarpugut, taamaattumik politikikkut aqutissiuussinissarput nukinginnarpoq kissaaterpassuit siunissami akissaqartissagutsigit.

ATASSUT-miit siunnersuuteqartoq, imaannaanngitsumik atugassaqartoqarneranik tikkuagaqarnera paasilluarparput, taamaattumillu aningaasaleeriaatsit tapeeriatsilluunniit sukateriffigineqarlutik nalequssarneqassappata, Naalackersuisut Kommuunit peqatigalugit nalilersueqqinnissaat kaammattuutigiinnarsinnaavarput, neriuutigalugu pilersaarusoqatigiinnerit kinguneqarluartumik angusaqarfiulluarumaartut.

Taakkuupput apeqquteqaat aallaavigalugu ATASSUT-miit oqariartuutigiumasagut.